

NOTA DE PRENSA 067/23
20 DE AGOSTO DE 2023

TRES DE TRES PARA SENÍN AOS MANDOS DA NOVA

Jacobo Senín foi o vencedor da Subida a Taboadela, cuarta proba puntuable para o Campionato Galego de Montaña, celebrada durante esta fin de semana na localidade ourensá.

O tempo cambiante xogou na contra do medio cento de participantes que se deron cita na cuarta edición da carreira, que tivo unha boa afluencia de espectadores malia choiva intermitente.

Nesa superficie, Senín, aos mandos da espectacular Nova, foi o máis rápido sumando desta forma o seu terceiro triunfo en outras tantas participacións esta tempada, o que lle convirte no máximo favorito a revalidar o título autonómico.

Despois de Senín e a súa Nova situáronse dous equipos ourensáns. Jorge Fernández Vilarchao e Pablo Rey foron segundo e terceiro clasificados a 22.250 e 22.589 segundos, respectivamente, o que demostra a fermosa batalla que viviron durante toda a fin de semana.

O cuarto posto da táboa foi para outro ourensán, Abrahán Vázquez, aos mandos do Dicode.

Quinto clasificado da xeral e primeiro entre os carrozados foi Jorge Pérez Alonso, que aos mandos do Porsche 991 GT3 Cup foi quen de marcar o mellor crono absoluto na segunda manga oficial do sábado. Completaron o podio desta modalidade, Miguel Ángel Alonso e Manuel Senra, cun Mitsubishi Lancer Evo IX e un Peugeot 308 TCR, separados estes dous por apenas sete décimas de segundo en toda a fin de semana.

En regularidade, primeiro posto para Alfonso Cabral e José Quintas, no Seat Marbella.

A próxima proba do Campionato Galego será os días 9 e 10 de setembro con motivo da 6ª Subida a Ponte Caldelas.